

اوننگ گوجری نیوز بولیشن 25 اپریل 2026

HEADLINES

- LG SAMBA

○○○○○○○○*****

DAR AGRI MINISTER'S CONF

زرعی پیداوار غا وزیر جاوید احمد ڈار نے لکھنؤ مانہ منعقدہ شمالی زون غا زراعت گا وزراء کانفرنس مانہ شرکت کی۔ اس کانفرنس غی صدارت زراعت تے کساناں غی بہبود غا مرکزی وزیر شیو راج سنگھ چوہان نے کی۔ مذکورہ کانفرنس مانہ شمالی زون غی بکھ بکھ ریاستاں گا وزیر زراعت نے شرکت کی۔ اس دوران جاوید ڈار نے جموں کشمیر غی زراعت تے باغبانی غا شعبہ مانہ

نمایاں پیش رفت تے تبدیلی نانہ پیش کیو۔ انہاں نے پیداواری غی صلاحیت نانہ بدھان کساناں غی آمدنی مانہ اضافو تے مرکزی زیر انتظام علاقاں مانہ پائیدار زرعی طریقاں نانہ فروغ دین واسطے سرکار غی طرفوں کیا گیا کلیدی اقدامات ور وی لو کہلی۔

CM GANDERBAL

وزیر اعلیٰ عمر عبداللہ نے گاندربل مانہ 9 کروڑ 60 لکھ روپیہ غی لاگت تیں ایک کثیر منزلہ کار پارکنگ غی منظوری دے دتی ہے۔ یوہ منصوبہ کپیکس بجٹ 2026-27 غے تحت منظور کیو گیو ہے۔ جس غو مقصد ٹریفک غا دباؤ نانہ کھٹ کرنو تے شہری سہولیات نانہ بہتر بنانو ہے۔ یاہ پارکنگ مصروف بازاراں مانہ بھیڑ نانہ کھٹ کرے غی تے منظم پارکنگ غی سہولیات فراہم کرے غی۔ وزیر اعلیٰ نے معیار نانہ یقینی بنان، شفافیت ٹینڈرنگ تے وقت ور کم مکمل کرن ور زور دتو تے متعلقہ محکماں نانہ ہدایت دتی کہ عوام غی سہولت واسطے کم شروع کرن تیں پہلاں تمام ضروری اجازت حاصل کریں۔

JAN SUGAM RAMBAN

رام بن مانہ باغبانی غی منصوبہ بندی تے مارکٹینگ غا محکمہ نے تجارتی خدمات نانہ جدید بنان تے شفافیت نانہ بہتر کرن واسطے جن سوگم پورٹل شروع کیو ہے۔ مزکورہ پلیٹ فارم نواں تجارتی لائسنسیں پھلاں تیں سبزیوں غی منڈیاں نانہ تجدید واسطے آن لائن درخواست قابل بناوین۔ مزکورہ پورٹل ور دومیسائل سرٹفکیٹ، پنشن تے وظیفہ جیسی خدمات حاصل وین غی۔ فائدہ چان آلا درخواست غی صورتحال آن لائن دیکھ سکیں۔ جس سنگ نظام نانہ تاجراں تے عام لوکاں واسطے زیادہ موثر، قابل رسائی تے صارف دوست بنایو جاسکے۔ اس سلسلہ مانہ علاقائی تجارتی آفسر رام بن تحسین اقبال جب نے اس طرح کہیو۔-----

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ آئیندہ کل سویرے 11 بجے آکاش وانی ور من کی بات پروگرام مانہ اپنا خیالات سانجہ کریں گایاہ ماہوار ریڈیو پروگرام غی 133 ویں قسط وے غی۔ یوہ پروگرام آکاش وانی، دور درشن، اے۔آئی۔آر، نیوز ویب سائٹ تے نیوز آن لائن مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ پروگرام اے۔آئی۔آر نیوز، ڈی۔ٹی نیوز، تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات تیں فوراً بعد اس نانہ علاقائی زبانان مانہ وی نشر کرے گو۔

VANDE BHARAT SERVICE

جموں تے سرینگر غے بشکار براہ راست ریل خدمات غو طویل انتظار 30 اپریل نانہ ختم ہون جارہیو ہے، جسراں کہ شمالی ریلوے غا ڈی سی ایم اُچت سنگھل نے آکاش وانی غا خبراں آلاں شعوبہ سنگ گل کرتا وان کہیو کہ، یاہ مجوزہ خدمات موجودہ وندے بھارت ایکسپریس غو حصو وے غی، جہیڑی اس وقت کھڑا تے

پھر 28 اپریل نانہہ بکھ بکھ جگہاں ور گرج چمک غے نال بارش غا امکان ہیں ،
جد کہ تہاڑی تے شام غے وقت تیز ہوا چل سکیں۔ 29 تے 30 اپریل نانہہ مرکزی
زیر انتظام علاقہ مانہہ موسم خشک رہن غی توقع ہے۔ اس بارے گل کرتا واں
محکمہ موسمیات غا ڈائریکٹر مختار احمد نے اس طرح کہیو۔-----
